

敬堂集





清人別集叢刊

澹
堂
集

中

上海古籍出版社

澗堂續集

編年詩六卷

漑堂續集序

三原孫豹人先生以詩文名天下垂三十年予往見漑堂初集古詩非漢魏律非盛中唐則不作作則必有古人爲之先驅至其所以似古人者漸濡陶冶若丹鳥之藏物初非出於依傍而後有已酉八月予客南州豹人別且八年忽自楚中至其顏渥丹其髭髯潔白如雪相見執手勞問旣出其漑堂續集示予予袖而藏之與之過故人陳伯璣湖亭談伯璣吾南州之以詩文名者也設尊酒相款曲予之言曰學古人之文者縱不得抗衡古人亦當爲其子孫不當爲奴婢譬如豪僕失主人則俵俵無所之子孫雖歷世久必有真肖其祖父之處豹

人曰學古人詩既當知古人祖父又當知其子孫知祖父則我可與古人並爲兄弟然不知子孫則不識其流弊所至道德流爲刑名荀卿一傳而有李斯知此然後學之善不善有以自考伯璣旣聞而皆是之而予又嘗謂善學者必日進而不已然詣有所極則不可以復進而不已者無進境而有變境也天之雨非有進於晴也然今日晴而明日雨則人樂其日新而不窮於是談旣倦主客薄醉山雨欲東來予歸客館雨大下燒燭發袖中詩讀之乃喟然而嘆曰甚矣豹人之能變也今其詩自宋以下則皆有之矣衝口而出搖筆而書磅礴奧衍不可窺測然豹人年五十浮客揚州若妻妾子女奴婢

之待主人開口而食者且三百指世既不重文字身又不能力耕田以自養長年刺促乞食於江湖傷逝悲來較甚往昔故其詩別有所以爲工者而豹人亦不自知也予將歸山中豹人命爲之序適予有寒疾行且別去不知何日復相與論文于是力疾書質之伯璣以貽豹人伯璣爲我語豹人善自愛吾船乘北風便發不復到石亭寺見孫先生也

寧都易堂同學弟魏禧譔

送孫豹人舍人歸揚州序

關中孫豹人先生 召試博學宏辭被放將歸復有
內閣中書舍人之命同薦諸人奇其遇高其志行屬
施子爲贈序施子曰士不克詘於富貴不隕穫於貧
賤雖有蒲輪之徵不改懸車之素可謂皜然無忝處
士者也豹人北首入都初迫於有司居旣久諸待試
闕下者多務研練爲詞賦豹人獨汎覽他書間語客
曰吾僑居廣陵數十口饔飧待我使我官京師不令
舉家餓死乎已入試不中良喜遂束書南歸

聖天子詔眎諸布衣處士有文學素著老不任職事者
其授京銜以寵其行於是及格者八人豹人與焉初

擬司經局正字

天子薄其官遂與杜君越傅君山等同授內閣中書舍人是時杜年八十四傅七十三皆未與試先歸矣部議官不及而

中旨特授蓋異數也時論以放還處士膺舍人清秩恩禮甚厚而豹人苾屨踽踽自若其將以年授官也吏部集驗於庭獨臥不往旋被敦促乃徐入逡巡主爵者望見其鬚眉皆白引之使前曰君老矣豹人直對曰未也我年四十時卽若此且我前以老求免試公必以爲壯今我不欲以老得官公又以爲老何也衆皆目笑其愚然卒以老官之蓋非崇儒敬齒無以昭

朝廷之恩非引分固窮無以見岩穴之志今處不
隱不仕之間身貧賤而拜官於朝名富貴而遯跡於
野豈不稱稽古有餘榮哉豹人今年亦已六十矣而
掉頭抗辭眎今人又何如也其詩操秦聲出入杜韓
蘇陸諸家不務雕飾吏部趙公玉峰旣爲刻其書余
獨敘其語以送之後之稱是官者其知所由重矣

宛陵年眷弟施閏章拜撰

溉堂續集目錄

卷之一

華山畿樂府

六首

贈王幼華詩

五首

題王西樵考

功桐陰下讀書圖

二首

程崑崙別駕生日賦詩爲

壽

壽郝羽吉母沈太孺人

二首

觀驟風雨喜懼

并集而作

政嘆

二首

客中苦熱寄懷吳賓賢

爲周子維缺唇解嘲

寄懷任淑源

初秋同汪

叔定季月韓醉白陪丘曙戒太史汎舟城西遊諸

園林過紅橋觀荷晚登平山堂時河水大漲分韻

得山色有無中

五首

贈龔孝升大司馬

三首

渡江

行二首

京口遇方爾止

呂生招飲城南酒家同

方爾止陳延喜楊襟海 磨笄山下酒家同方爾

止談長益陳其年何雍南程干一小飲作歌 贈

周建西 程崑崙招飲城南園林同龔山長益許

士雍南千一 憶兒行贈韓叔夜 贈周翁鏡夫

題睦孝廉傳後 道院乳燕 道院看牡丹

次贈周建西韻賀令姪子常生第三子峇子常見

借歐陽全集 雨中鳩 登妙高堂 寄懷家無

言吳爾世 對小栢樹有感 雒陽行贈汪舟次

送張哲之先生還里 西湖三舟圖王西樵司

勛屬題兼呈宋荔裳觀察楊執玉太常 送汪舟

次讀書攝山 陪湖州守吳菌次遊竹林寺歸飲

鶴林寺同談長益方爾止吳仁趾 飲米元章墓

樹下同長益爾止仁趾 張牧公特渡江別余歸

里二首 初秋同家無言查二瞻陪王西樵考功出

郭納涼放船至法海寺遇雨不得登平山二首陪

諸公宴集郭北園林分韻得西字長字 秋興八

首次王雪洲太史韻 宋荔裳觀察王西樵司勳

招同程穆倩宗定九沈方鄴泛舟紅橋遇大風起

移飲程園分韻二首 新歲寄懷王季鴻遊浙中

送吳蘭次守湖州二首 湖州守吳蘭次招同諸子

雨中泛舟平山下二首 贈羅公倬 同方爾止吳

仁趾陪吳蘭次登多景樓時蘭次赴湖州任二首

飲城南酒家同談長益方爾止張季昭何雍南程
千一 清明日同方爾止陳其年飲程崑崙署中

輓何西旨 黃鵠山懷古 寄五兄大宗 三首

題程飛濤小像 三首 寓京口城隍廟作 江上送

陳其年之雉臯爲題九青小史像 二首 重遊潤州

紀感 九首 聞城頭吹海螺聲感賦 題龔山詩卷

首 賒書 從招隱山至八公巖過僧舍留題二

絕同方爾止王幼華 遊焦山同爾止幼華 五首

焦孝然 郭景純 題郭景純墓 二首 杜鵑樓

雍南千一邀過茶舍題二絕於壁上 贈術士

爲周星公翰林題像 二首 題錢虞山先生與爾止

手書卷後三首 雍南千一邀飲西郊酒家送牧公

歸臨洮四首 潤州新竹枝歌七首 送方爾止還白

下二首 列僊詩六首 贈季滄葦侍御二首 陪季滄

葦侍御同令弟希韓過長生庵尋浴室頃李三友

亦至因具述其先人拾宅事賦二詩紀之 喜得

與王豐垣為隣次淵明移居二首韻 往屯留依

家兄大宗道中作 五兄署中送侄佳庚歸里

卷之二

王西樵司勳久客江都遙聞歸裝蕭然寄此詩

留別季希韓同令兄滄葦侍御二首 為吳賓賢題

行路圖 除夕和東坡韻三首 餽歲 別歲 守

歲 除夕懷五兄大宗次東坡韻 題蘇母績課

圖兼呈令子雨蒼 移居懷遠坊喜與汪叔定季

角愛園相近 雨夜同戴應商季希韓李三友王

子晉集季滄葦侍御齋中明日予歸廣陵各分韻

贈別因盡和之予得鶯字 和應商賢字 和希

韓魚字 和滄葦爲字 和三友鄉字 和子晉

神字 送汪舟次遊廬山兼寄施尙白少叅 四首

爲周盛際耳聾作 賦得東渚雨今足呈潞安司

理李吉六 二首 竹 蘭 葵 菜 萬開來憲副

招飲園林留贈 三首 節孝婦李氏 發屯留留別

家兄大宗 包家集宿舊店 抵家內子爲余置

酒洗塵喜贈此詩 屯留歸後始還懷遠坊宅價

有作 送李武曾之雲中 看阿宜戲諸姊前有

感 署中銷夏作呈五兄大宗 讀李長吉詩二

首 屯留聞雁 中秋憶閨人 題季端木小像二

首 午日榮澤渡黃河 九日對五兄憶存亡弟兄

大風雪晚投村店 喜遇楊吉公 三首 送吉公

西歸 二首 潘安仁 王懷祖 賓賢自號野人舟

次自號恥人希韓戲予曰君詩便可合刻當名三

人集予笑而荅之 孫安國 自閱丁未一年詩

有懷爾止 勝音上人持張虞山書見訪兼示與

淮上諸子唱和詩 沈姬染疾憂且憐之而形于

篇 春夜宴汪季角愛園分韻得晨字 和陶止

酒詩韻東吳爾世 贈楊紉芷兼呈令弟蘭佩時

紉芷六十初度 三首 贈仁趾移居 贈馬羊山

壽汪覓巖母王太夫人 二首 吳野人歸東淘爲其

子娶婦屢月不來江都戲寄此詩 題程伯建滇

南詩 贈豐城房明府興公 新居早春 對第

六女阿宜作 送問旭上人赴曹顧庵學士約同

遊浙東 二首 賦得梅花送吳賓賢歸東淘 送汪

長玉夜入真州 九日同曹顧庵學士程穆倩汪

長玉覓巖三韓吳仁趾諸子集家無燁寺寓用重

陽登高爲韻 四首 病 二首 除夕 送亦退赴泉州

幕府得爾止書
郭門外春望
幼孫董兒讀

書戲成一絕相嘲
烹茶雪水已盡
因憶吳賓賢

二首
茉莉曲二首
汪季舟生日二首
宗定九邀

同韓醉白飲紅橋酒家各賦四絕
戲示九歲孫

董兒
王仔園招飲齋中賞菊
洗兒解嘲
過

小孤山舟中閱史書
遙望彭澤縣三首
鄱陽湖

作
鄱陽湖夜泊
大風雨望廬山不見
房明

府署中偶有白鷺來集于柯招之輒下因以來鷺

名軒徵詩及余口占三絕應之
病
病中荅房

發公
簡房與公明府
寺寓苦寒
論詩
劍

池有感
君子行三首
少年行
君馬黃
長相

思 前有尊酒行 房興公明府令弟發公生日

黃鶴樓紀感 插秧 水車謠 自豐城抵潛

江與王幼華明府相見 二首 五十初度呈王幼華

明府 三首 憶昔篇寄示燕穀儀三子 寓樓雜詩

八首 王幼華明府署中送令弟竺來歸里應試

朱偉臣招同劉聲玉幹有莫大岸飲編柳堂偉臣

令子含暉聲玉令子展匡俱在明日偉臣次予寓

樓雜詩八首韻見示予亦仍前韻奉酬 哭吳後

莊 三首 戲贈莫大岸 答家人遠問 題陳侯祠

呈莫翁蘆峰 二首 苦熱行兼呈王幼華明府 蘄

蛇 九江舍舟登岸行廬山道中作用王介甫舟

中望九華山韻句如其數

卷之三

南昌遇施尚白少叅示就亭唱和詩一卷臨行作
就亭歌奉別 彭蠡歌 留別嵇淑子郡司馬

次韻答莫大岸見嘲 題王幼華明府所藏錢貢

鍾馗嫁妹圖 勉段生孫生 夏日坐郭長仲水

邊梅花亭長歌 陳元水舉第四子爲作玫瑰花

歌 陸止敬進士頗有閒居之樂名其園口小雲

間索賦 借鹽 送嵇淑子繇武昌郡司馬遷杭

郡太守 十六夜同李伯偉陸止敬王禹六陪房

興公明府飲陳元水宅時予偶患消渴 次韻酬

李伯偉來詩 重訪李太虛宗伯於南昌留飲園

園時宗伯年八十有五矣 潛江四月絕無櫻桃

上市 懷吳野人 雨中聞水漲遣悶有作 漢

水 五日寓樓 夏日宴集郭長仲園林分韻得

汀字人字 宴集李嗣遠東園分韻得幢字侵字

訊陳元水病 二首 李伯偉村居見懷有作且云

以至日修祀事未得入城次韻答之 雨中大水

決堤聞王幼華明府奔走堤上憂勞已甚詩用相

寬 春日病起得家書詩用志喜 病中憶內子

及沈姬 漢口送同遊王禹六魏晉卿石子充歸

里數日後余便往潛江 贈吳光其 憐詩大水

後作 王幼華明府 劉聲玉朱偉臣 莫大岸

朱含暉 自憐 思歸 白燕和婁公韻 老

馬和婁公韻 留別王幼華明府 九日入城飲

周伯衡觀察寓齋留宿明日有詩見贈用韻答謝

二首 登滕王閣 張扶長招同陳元水羅右我飲

齋中時扶長將上公車 贈魏生 哭方爾止 四

首 所見 感夢 雪中簡房明府 舟中遇寒食

望家書不到 王幼華明府出同人舊題五子

論文圖示予因再有此作 朱含暉工作古詩家

僮能為抄寫喜而有贈 復雨 莫大岸示村居

效皮陸雜體勉和二首 答莫大岸見贈絕句仍効

前體 呈贈莫大岸效前體敬述歸田之樂以美

之 留別朱公祠 楊翰林陶雲時謫新建縣丞

二首 寺寓雪夜對故鄉人 歸舟經過采石因憶

樊若水事 老屋 二首 遣懷 房明府五十 流

民船和吳賓賢 三首 王天葉示製棺自贈詩辭索

余和篇 妻叔石仲昭先生六十初度爲九月一

日於六月中尚有豫章之行作二詩奉贈 大吏

擬王介甫古詩 兩馬齒俱壯 黃菊有至性

少狂喜文章 天下不用車 今日非昨日

悲哉孔子沒 秋日在梧桐 日出堂上飲 讀

王介甫禿山詩有感 哭李岸翁叔則 四首 寄題

康山兼懷張稗恭 懷汪舟次 述夢 聞方爾

止死後降卦有詩紀異偶成 寄懷王幼華明府

自號濁翁因賦 苦雨 題掩錢圖壽蘇母汪

太夫人 題孫鍾元徵君答劉公誠考功書及和

韻詩卷後 徐仲光先生來揚州爲題荷山草堂

圖 思雷伯籲親家 贈周盛際 卽事贈王築

夫 趙子淑招飲郭北園亭同華龍眉佴燮辰汪

叔定季角賦席上果蔬及園中花草 櫻桃 蔗

罌粟花 虞美人 蜀葵花 五月雨中汪舟

次招同唐祖命舍人施愚山少叅劉公誠考功穆

倩無言汎舟至紅橋各賦 二首 七夕黃大宗招同

程穆倩張虞山趙天醉家無言飲亡友郭石公園

亭限韻

二首

大水後有僧能修石路問其工費云

盡出自異縣檀越嘆是僧乃能動人如此美之以

詩

三首

蓄貓 嘲貓

題王仔園小輞川同華龍

眉高小郤汪叔定作

張虞山答客問有石版橋

西一草堂之句屬和

馮密菴先生重至江都見

訪次來韻

詠塵次王介甫韻

三首

寄懷李岷躬

親家

四首

留別楊吉公

三首

大風雪中頗有家人

之樂自述

爲房明府輓李夫人

四首

枕上聞鶯

薛能

題妻叔石仲昭明府小像

二首

紅橋觀

荷卽用爲韻同張虞山黃大宗吳仁趾作

四首憶

菊二首 感道士臥病作 大風有懷周盛際 自

題松下抱琴圖 枕上 江湖 讀劉蛻集二首

讀孫樵經緯集二首 題吳山公宗文小像二首 爲

黃大宗挽郭少君 三首

卷之四

觀新人車 余生生示所作悲哉行長篇感賦三

首題其後 端陽前一日巖顛亭都諫招飲江都

寓宅 爲李若金題礪園種竹圖 壽宋份臣時

將應聘北上 述憂 喜雨呈趙玉圃明府 爲

郝羽吉題小像 歸來 二首 目病示諸兒 留別

季希韓暨令姪端木 輓凌壽吾 舟中有懷郝

羽吉四十初度賦寄 貞燕行爲趙母劉孺人賦

登赤城山 徐幼長六十索予作歌 米客行

題馬圖求孝廉聽山堂圖 春韭 蛤蜊 凌

蔚侯書齋紅梅已謝作詩惜之索予次韻 重遊

吳門過定光寺喜與德章上人相見留寓精舍兼

擾香積賦謝 舟中暑夜 贈錢塘縣丞季字公

二首 病後同杜于皇鄧孝威程穆倩宴集陸咸一

督學寺寓分韻得聲字并和諸君之作 和咸一

煙字 和于皇芳字 和孝威丹字 和穆倩飛

字 愁坐 次兒燕詠燕韻 附兒燕詩 讀陸

放翁詩愛其慷慨悲歌足以起懦旣復置之而嘆

吾直心如放翁而直口不如命也因作此志悲

重至淮上訪家涵中 家涵中宅與張虞山趙天

醉連牀 再次虞山韻 黃大宗招同范仲良張

虞山馬圖求趙天醉張孟思閣百詩家姪獻于飲

止園次天醉韻 坐逆風船同趙天醉作二首詠

逆風船詩後次日便遇順風 寒食次高菊礪韻

錢塘章淇上相別十年矣忽過江都見訪坐良

久值予方窘甚清談而已次日有詩見贈因答之

二首酬家嘉客 與十四弟實夫自京口買舟入

吳越 客俎經旬無肉次東坡韻示十四弟實夫

舟過姜堰訪黃天濤雪夜留同諸子飲秋佳館

分得燈字

題家獻于小像

二首

與張虞山趙天

醉飲丘曙戒季貞家夜歸同坐野航

三首

卽事贈

家涵中

二首

賦得春草留別淮上諸子

又賦得

春風

雨舟

黃大宗納妾揚州爲賦催粧詩

四首

重宿定光寺弔惺初上人

二首

宿剡溪旅舍憶

王梅溪題壁事遂成一絕

病暑不得遊天台山

將歸買天台藤杖藥物成二絕

示天台遊人

縱筆

二首

雪中過姜堰訪黃仙裳

雪意

元

宵後雪夜飲王仔園小輞川觀燈次壁間東坡詩

韻

貧士詩

贈汪使君芾斯

告飢

贈吳銘

自

舟進黃河口

三首

賈客婦

九日梁仲林侍

郎宴集黑窰廠登高 題王金鉉明府琴趣軒

首 怨老堂酌酒與櫟下老人歌 謁金龍四大王

廟 中秋夜舟中對月 凌蔚侯彈禽歌時蔚侯

方熟誦杜詩 贈王又陶及令姪孫德符 施匪

我司城惠示集句全稿次東坡答孔毅父集古人

詩見贈五首韻奉贈 春寒 楊東子携具過王

仔園桐舫齋招同諸子夜坐待月 清明前宴集

魯紫漪園亭 泊舟任城同凌蔚侯遊南池 二首

東光訪王金鉉明府 四首 贈安肅梁明府木天 四

首 梁木天明府屬題拙堂 三首 爲梁木天明府題

須園 八首 登安肅城遠眺 無雪 欲雪 微雪

凌蔚侯長郎八歲讀書日滿百行他日成名可
待以老夫頗相期望因蒙示喜劇所詠社集賦
得早花隨處發限七言近體春日宴王天葉宜
樓看梅花將放次韻賦得春水船如天上坐
同蔣麗天訪張虞山留飲寓館并示新詩一卷分
得池字遇李岷瞻有贈野性贈計甫草孝
廉京雒贈辛漱六立春後十日喜無大風
朱二玉以去冬十一月移居余於燈節前一日
赴飲見壁上諸友題詩始知之卽席補賦三絕
嘲諸男謝房輿公樞部惠米二首偶觀小燕出
巢因感楊吉公無子賦寄一絕閱東坡志林因

成一絕簡醫者何東表 偶題撲滿以志蕭然

貧劇至於無衣見客漫成一絕 夜發 聯句

卷之五

思悲翁 房衍公孝廉與予一見後朝夕不能相

離在長安得此友尤不易也因感贈 三首 徐州獨

無戒石不知廢自何時五兄大宗到任之初亟覓

工刻碑將朝夕見而自省焉蔚聞兄言喜其與古

人行事有合也因援筆紀之 燕子樓 夢研歌

爲汪季角舍人賦 再題汪舍人十二研齋歌

送王子重下第歸里 清明觀遊女作 任明府

捉賊歌 贈峒樵舍人 三首 贈李聖年孝廉 贈

房興公樞部

七首

贈周星公光祿

二首

潘楚吟名

其書屋曰停帆屬題

房衍公每以治生養生相

勸因有贈

二首

京師寓中閱劉貢父中山詩話有

感

贈滕縣任明府淑源

四首

慰曾庭聞下第

彭祖井

子房山

放鶴亭

黃樓

戲馬臺

亞父塚

泰興道中

九日社集朱紉芳半舟

坐朱紉芳半舟留題

族侄斗槎登第喜而有作

二首

六月十九夜徐州署中與客同坐月下忽有

白虹見於月之西移時雨至而月明如故賦一絕

志之

愁蠍

茉莉

二首

桂樹

二首

逍遙堂有懷

二首

早睡

題圖詩

劉殷授七子經史圖

王

祐三槐圖 虞玩之卻屐圖 陶侃運甕圖 劉

凝之散錢圖 王烈感化鄉人圖 范淹義庄圖

邱成子反璧圖 楚丘先生說孟嘗君圖 龐

德公釋耕答荊州刺史圖 衛武公規箴圖 萬

石君家居圖 亂中再入滕縣贈任明府 壽周

雪客母馮太孺人六十二首 題三子聯句圖 二首

題金太守長真小像 二首 壕有水歌爲任明府作

送迨且菴之淮安 爲昌青若題廢花朝圖

同吉公飲王天葉書齋兼觀圍棋次吉公韻 二首

王亦退入學 楊吉公招同程穆倩鄧孝威林伯

逸泛舟納涼分韻得川字今字 席允叔招同程

穆倩王九有李湯孫飲齋中 中秋同桑楚執飲

王天葉宜樓坐蕉下待月 陪任明府遊劉若水

園林留飲花下卽席賦贈 留別任明府 挽房

發公文學二首 秋夜社集張與參宅同紀檠子黃

仙裳范汝受余來儀 得徐松之汪晉賢書兼惠

示雲山酬唱詩詩風初集賦此奉答 九日汪叔

定季角招飲見山樓同程穆倩姜西溟徐原一

宗定九東原九日見東次韻 赴金長真太守宴

賦謝 五兄大宗重修彭祖樓有詩命和 和五

兄大宗重修燕子樓詩二首 放鶴亭和五兄大宗

子房山祠和五兄大宗 重修黃樓詩和五兄

大宗 五十五歲自題漑堂詩集 呂尚 示大

孫舒 題禹尙基自畫小像飲犢圖 三首 題喬雲

漸小像 春木四章 新翻子夜歌 五首 後新翻

子夜歌 五首 題汪季角舍人三好圖 題程休如

小像 談長益有錐鐵漢詩烈士暮年遇物不平

故其言如此亦足悲也余乃代錐鐵漢作答詩

勉兒輩學醫 中秋夜與同幕者把杯頃刻輒已

散去獨坐書室因念古人遭際不同有感于中詩

以言懷遂多所援引是夜復作家書與諸兒詩亦

附示焉 五首 九十翁歌贈汪觀瀾先生 四首 病瘧

重陽次劉超宗韻 輓丁彼雲 二首 始買洲田

作此自嘲 題汪叔定小像 二首 示燕穀儀三子

泊舟燕子磯夜夢沈姬 二首 采石懷古 二首 阻

風望馬當山憶王勃事有作 六月舟過小孤山

懷李珣躬親家 二首 舟中望廬山雲起 瘧不止

四首 病後林君貺惠人參兼以輕袍共我 二絕 奉

謝 感籠中孔雀 見調鸚鵡者有作 簡林君

貺 書齋雜詠 六首 戲簡林君貺 對燈花自嘲

示公子 寄示諸兒 自嘲 答童蒙問號

冬至有悼 總督公衙中書屋漏甚蚤起雪滿牀

几戲成一絕

卷之六

寄誠諸子詩十首 君子行 人日示小子 苦雨

雜詩四首 愧為舉業師 示小子 望隔墻冬青

樹有懷吳賓賢 寄汪舟次 問醫者宋迪公

舞瓷盤行并序 在豫章幕府求書不得而作二

首 得家書說還債未了 春日齋中 述夢 總

督董公署中送劉超宗歸桐城五首 病愈贈醫者

宋迪公八首 得家書 宋太祖 為江辰六闔題

長安借書圖二首 塵鏡詞 寄吳賓賢 雙節婦

詩 汪舟次赴贛榆教諭任去後數日余始自南

昌歸抵江都不及祖餞悵然無已因賦寄懷四章

觀察金長真以丁巳八月十三日祀歐陽子於

平山堂招客賦詩予亦與焉詩限體不拘韻汪
季角舍人與令兄叔定招同程穆倩鄧孝威宗鶴
問陶季深華龍睂范汝受王仔園家無言汎舟至
平山堂登真賞樓樓有歐陽公木主與諸子展拜
旣畢乃飲酒堂上各賦七言古詩一首時予初歸
自豫章幕中登覽唱和之樂二年來所未有也
金驛憲去郡三年復來攝兩淮鹽運道事和汪叔
定竹馬歌奉贈 久不得徐州五兄大宗書 題
凌蔚侯有懷草堂 四首 猛虎爲獵士所斃明日復
搜穴得其子歸獻總督公公命養之籠中大纒如
猫日思乳而號予有感焉 剪燭花有感 詠燈

油 新買得狐裘忽自念五十八歲人着此復得

幾年不覺楚然 題金正夏小像 二首 徐原一昆

弟四人小像合圖一卷索題 二首 自豫章歸後得

汪季角絕句八首次韻奉酬 次韻答鄧孝威 八

首 汪季角避暑平山堂之真賞樓次宗鶴問韻奉

寄 六首 藝圃 十詠 南村 鶴柴 紅鷺館 乳

魚亭 香草居 朝爽閣 浴鷗池 度香橋

響月廊 垂雲峰 六松軒 繡佛閣 施尚白

少叅招同鄧孝威毛大可汪舟次飲寓齋賦謝

贈趙考功玉峰 四首 送黃俞邵奔太孺人喪歸金

陵 送王子側歸新城 送陳六謙任安邑丞

贈李湘北學士

三首

壽李書雲都諫

二首

題凌蔚

侯小像

吳菌次罷官後重過江都值予將北上

爲作此歌

讀夢愚堂記長歌贈施尙白使君

哭礪山楊明府吉公

二首

輓徐母顧太夫人兼呈

令子原一昆弟三太史

四首

長塗

泊石佛閣遇

任淑源

夜過汪舟次寓舍適鄧孝威吳天章亦

至因留飲賦詩

王欽文先生七十

三首

施尙白

少叅有惱予移寓較遠之作賦謝

送鄭方旦虞

部權稅韶州

二首

題王咸中石鳴山房

王咸中

山居與汪茗文民部爲隣見茗文留題池亭諸作

心竊慕之因有贈

二首

除夕飲吳維申舍人寓齋

二首 題洗象圖 送宋牧仲員外榷稅虔州兼寄

懷易堂諸子 贈高蒼巖蘇州太守 贈慕鶴鳴

中丞 閱邸報見羣公薦表濫及野老姓名將修

辭啟先成二詩 見徵入京後作 壽馮易齋相

公二首 書懷三首 題袁重其午日負母看花圖三

首 贈張幼南廷尉兼送之歸娶六首 再逢項脗山

學士六首 題毛會侯明府小像三首

漑堂續集卷之一

焦穫孫枝蔚豹人著

丙午樂府

華山畿

有序

雲陽朱叔子請予賦華山畿云是里中勝蹟將與潘江如共表揚其事予臯讀劉誠意此題樂府喜其旨存諷戒因而更暢之變爲短章而抑揚之詞則竝見焉蓋不敢忤叔子意也

莫適雲陽道莫過華山畿相逢年少女不得便同歸
郎亦有慈母妾亦有慈母室家俱有願嫁娶何太後
寄郎雙蔽膝期郎病速好今日聞郎信妾命應難保

有何好容顏使郎為妾死王西樵日語逼古而能感人待郎華山畿

作歌妾不恥

打牛牛不動撫棺棺為開男女幸同穴高堂身獨回

王西樵日以高堂五字屢括青田詩意語復蘊藉方是樂府

周南咏桃夭召南賦標梅客聽華山歌歌聲悲且哀

王西樵曰尤喜其一起一結有法○六朝樂府如歡聞捉搦其旨存諷戒者少矣青田意自佳第詩又非樂府本色此事故不得不推焦穫耳

附劉誠意詩

華山畿勞勞渚割棄父母恩相隨黃泉去男婚女嫁
當及時標梅不見周南詩王風蕩蕩散荆棘帷薄日
夕生狂癡當歌悵然有所思華山畿何足悲

丙午五言古詩

贈王幼華

鳳鳥不妄鳴黃雀常啾啾
睨彼夸毗子同堂非我儔
舌鋒何銛利曾不道九州
勢利如膠漆詩書成寇讎
揚雄亦有口塞默苦低頭
雄口吃歸坐草玄亭
吾意在千秋

周召不可作李杜有微勲
王西樵曰大原委他
人不能只十字哀樂遇偶

殊正變體難分洪音發
金石何有蠅與蚊
奇彩爛霞電

何有縹與纁持此最同調
聊書吾所聞
王西樵曰妙在紆徐於此見詩

力磨礪苟無已後世讓
吾勤
張穉恭曰古調古心今人知此者少矣

時節逢寒食留滯在他鄉
豈不思歸去其如道路長
旣

無輿馬費因復理舟航
幼華將有豫章之行○王西樵曰十字亦有許多委折在內

作書與同氣栽松新塚旁啞啞反哺烏澱澱跪乳羊哀

哉至性人對爾淚千行

王西樵曰此詩乃足當溫柔敦厚四字

江離是弱草采者尚不遺駿馬成死骨千金買何爲可
憐離與馬報德非所知我有書數卷平生辛苦詞湮沒
亦足惜表章知是誰再拜託吾友因君常見推

題王西樵桐陰讀書圖

有序

王西樵考功少年讀書之地有堂曰十笏草堂堂前
有三桐樹後遊宦及在西曹每憶桐樹形于吟咏揚
州戴蒼善寫真西樵命作桐陰讀書圖書舊所作詩
附于圖之後屬余賦之

先生瀟灑胸浩如湖與江本是宰官身長齋卽老龐習

氣獨未除默坐憶書窻成佛須慧業此意故難降題詩
記草木殘燈影幢幢三桐與四松千古忽成雙愧死肉

食輩終老棄鄉邦

王酉樵曰難其老氣其言則非鄉人所敢當也

畫手亦不凡曹霸見遺風貌出廊廟具肯將丘壑同奈
何凌雲翮戢影爲傷弓達人無喜慍吾道有窮通子雲
疲執戟巨源位三公莫種掛冠禮且看棲鳳桐

程崑崙別駕生日賦詩爲壽

下牀閱簿書出門對禽魚一行作吏來筆墨未曾疎別
乘良不惡京口山水區載酒凌雲亭便與神僊俱忍飢
啖杞菊終稱山澤癯劇郡賴賢佐何暇慕清虛髯如魯
元翰誰敢捋君鬚將軍且敬重兵吏况區區極貴固分

內燒丹徒爲愚安得支道人相君目中珠

壽郝羽吉母沈太孺人

郝家有賢母教子著令譽誰爲稱觴客無非詩禮徒我
亦夙登堂拜跪未敢疎慙愧非房杜每來損庖厨被用
十幅寬枕長五尺餘賢郎同臥起細論所讀書東隣西
舍兒歌舞但相娛同在廣陵城判若龍與豬渠雖有父
兄成就竟何如

王西樵曰卽此便是頌郝母他
人定須實敘矣此大手不同處

顏若玉母紅髮若麻姑絲春秋雖已多中心恒苦悲問

母何所悲但誦栢舟詩春老名吾孫

見山谷集

仲謀作吾兒

寄書與地下地下恐未知孀居世多有誰如福澤奇村
中獨宿媪倚閭望天涯嚙指空自痛游子終不歸安得

坐板輿長有綵衣隨

觀驟風雨喜懼并集而作

田家最可憐祈求亦易厭甲兵休無日此邦繁賦歛繭

熟麥登場纔足了官欠王西樵曰陰陽苦無準旱火光

正燄插禾一失時八口愁飢歉雨勢忽翻盆皇天勞憫

念已解蒼鵝厄免取蛇醫驗父老且高歌誰暇覓枕簟

爲農豈不好估客輕天塹風浪惡如此何用黃金豔西王

樵曰此十字書作箴銘可以觸類不特估客然耳舟楫能殺人劇于刀與劍安

危皆自取君無棄鍼砭

蚊嘆

聚衆斯可畏乘時誰能拒物理同人事問天天不語蛇

影偶然動蜂尾不輕舉惟有豹脚蚊夜夜恣嘍茹吳猛
是孝子露筋亦烈女因爾成大名至今歸何所微物安
足尤貧賤良難處淒淒百年中忍凍復愁暑

有聲異戰鼓常作利鏃觀白晝見猶少昏黑防更難我
欲問汝罪自責還自嘆雍州地最高吾家近長安胡不
蚤歸去卑濕愁江干豈無富貴人危樓生夜寒雙鬟立
其旁手中持白團而我長困乏帷帳夏不完富貴雖可
羨一朝生禍患大宅任將軍妻孥徙極邊汝蚊非虎狼
嗜膚不食肝轉盼秋風起安能久撲緣

客中苦熱寄懷吳賓賢

陰陽成萬物云如炭與銅當其流爍時誰頌造化功遊

子更堪哀奔走忘西東避暑豈無地芭蕉映簾櫳舍之
來江南揮汗糞埃中朱門臭酒肉席上無野翁野翁詩
數卷氣與冰雪同急歸且把讀煮茶聽松風先洗昏眵
眼徐開煩悶胷何必崑崙頂赤脚拄青筇

爲周子維缺唇解嘲

符堅破漢南所喜得半人太冲能詠史瓦礫隨車輪相
士論容姿見與婦女隣周生爾何爲照鏡自嫌嗔掩關
聞刺啄欲出還逡巡意似諱其短實非畏交親不見陸
餘慶辨論頗足欣

王西樵曰以下反喻旣妙正引又喙切雖小小一題正非大手不辦

喙

雖長三尺手却重五斤何如方處士吟聲出缺唇唇似
月中兔手生紙上雲彼此試相較美惡判然分勸君但

努力無慙三拜身

王西樵曰大道理借缺唇發之掩關四句復妙極形容

寄懷任淑源

昔爾來揚州出門少逢迎賦詩嘲屠沽語氣何不平今
爾成進士入坐衆皆驚順風吹渡江江神多世情獨有
寂寞人無酒敘平生交如流水淡勢比浮雲輕荷爾深
相諒念我臥柴荆寒旣愁孟光飢復慮添丁贈金值卒
歲辛盤亦滿盈誇向親戚間此事古人能親戚共嘆息
細問姓與名王西樵曰古樂府之遺名字何勞問筆墨頗有聲本
自不羈人臨書恥驕矜不願學張顛願學顏真卿愧余
老更懶點畫忘其形焉知爾所得但覺病眼明別來忽
兩月獨坐鐵甕城楊梅暑天熟班鳩雨中鳴光陰何荏

苒兄弟半飄零寄詩與任華應亦念孫登

初秋同汪叔定季角韓醉白陪丘曙戒太史汎舟
城西遊諸園林過紅橋觀荷晚登平山堂時河水
大漲分韻得山色有無中五首

秋水如明鏡秋荷若紅顏人爲此邦客未覺頭毛斑
隋皇行樂處對之亦等閒悔不家西湖復欲住鍾山人願
苦不足吾豈異愚頑丘公准上來命楫每忘還對酒忽
太息浮沉京雜間可憐謝安石蒼生勞追攀他時鸚鵡

洲引領茱萸灣

丘將赴武昌任

風急船勢斜日午樓陰直歌吹亦易終蟬聲苦不息節
序暗中催使我心悽惻園中一老人面如陳梨色

王西樵曰

游覽詩入此一段非大本自從少小來紅裙不離側養

頷不能於此見作者身分生有恒理荒淫非正則寧學中聖人還任衆香國流連

簪珥中此樂安可極

簾捲寺橋邊舟行河漲後

王西樵曰五字畫水畫聲

風起波鱗鱗遠

連滄江口古塚飛白鷺遊魚戲枯柳欲寫雲水姿安得

丹青手晚荷開更佳惜不盈十畝沒入銀濤中嗟嘆動

漁叟隣邑地最早水患頻年有雷雨竟何意獨與蛟龍

厚

携妓平山堂折花邵伯湖此事亦偶然千載名難俱賢

守古所重風流世豈無請看迷樓側往來梵王徒回視

陪天子指作一庸夫金石貴不朽歌舞何足娛努力二

三子德與昔人符羊祜登峴山悲傷良不迂
歸舟何所見明月在樓中回首法海寺烟樹漸迷濛稍
厭箏笛喧不使鐘鼓通因思一日內哀樂意無窮偶聚
忽已散有如雲隨風諸君皆盛年惟吾稱老翁妄想李
八百刀圭救微躬作詩勸秉燭溪愧類飛蓬

王西樵曰因思一日內二語讀之令人茫茫交集

贈龔孝升大司馬

作客老蕪城十年三會面默如箝在口豈宜廁羣彥叔
向識醜蔑一語斯稱善茅容但危坐竟蒙林宗眷我實
愧兩君尚有詩數卷欲投還逡巡自知異衆撰
身見七十士不肯自言勞手荅百十函健筆挾風濤賓

客亦不凡長陪謝與陶今我獨何爲局促守蓬蒿有時
謁諸侯暫救飢嗷嗷俯仰庸人前布衣一鴻毛幸依陳
孟公語客勿夜逃

杜老氣傲岸

謂于皇

古人難輕服斂手對般斤愁着和郢

曲紀生才敏捷

謂伯紫

妙語兼尺牘久坐李膺舟遠憶愚

公谷賤子百無能考槃常三復於公何所求願公念白
屋身如千尺松蔭此澗中竹

丙午七言古詩

渡江行二首

大風三日浪如山行人佇立皆愁顏忍餓寧甘琴史間
兒啼女號亦等閒江南無路尋芳草枉說故人重交道

獨望隣園最高樹微風不動春禽聚江神念我多憂怖
蛟龍遠遁鏡中路主人縱不是平原飽看山色忘朝殮

京口遇方爾止

去年賦詩平山下今年飲酒鐵甕城湖海飄零成二老
相逢漸覺少弟兄君髯雖白氣猶壯樓上吟詩樓下驚

王西樵曰七字寫出爾止勝杜公狂
歌行贈四兄樓頭喫酒樓下臥也醫學旁搜未肯已

六書辨論何其精將訪故人適閩粵無錢買舟那得行
我有山田未歸去歲辦租稅借人耕苦吟空滿二千首

字未可示公卿已愁嫁女復婚男夢中五嶽徒崢嶸

昨日讀君生女詩香山東野同傷情有兒失學亦堪慮

古來哀怨何時平王西樵曰余有絕句陶公耕共室人
鋤風雨何曾撼敝廬并任五兒拋紙

筆道遙誰得此翁如與
豹人所見又有別也

不如置此且痛飲春風千樹黃

鸚鳴萬歲樓邊雨初歇坐對長江如練橫

施愚山曰不能名
其妙但喚奈何

呂生招飲城南酒家同方爾止陳延喜楊襟海

客心何所願看花日日騎青驄願得美酒如蘭陵願得

主人勝扶風願得嘉魚如丙穴此外萬事聽蒼穹城南

酒家杏正紅六代江山在眼中橋邊樹樹聞黃鳥使我

悠然憶戴公戴公不可見豈無陳老襟期與相同禽山

可惜病喉嚨

王西樵曰寫禽山
五句字字入神

當其朗誦杜陵作往往

能令衆耳聰頻斟冷酒講本草此事尤足駭愚蒙

王西樵曰

此十四字尤妙楊君薄宦今飄蓬勸汝休忘塞上翁得失偶然

何足道請看三分霸業已成空只今惟聞簫築之聲來

關東呂生愛客意無窮

王西樵曰始出主人

唱歌但恨少玲瓏美

女雖言好不如年少之姣童錢刀雖有用不如意氣結

英雄

王西樵曰用樂府調作頓挫

君言慷慨既如此客身兼是可惜

蟲明日仍期出南郭只愁花落雨濛濛

王西樵曰種種神妙讚嘆不盡是太白絕頂得意之作○施愚山曰歷歷落落故自堂堂

磨笄山下酒家同方爾止談長益陳其年何雍南

程千一小飲作歌

前月出城來桃花尚含萼今日出城來桃花紛已落酒
旗處處颺春風好向誰家弄杯杓悠然行過板橋西嘹
唳簫聲頗不惡楊柳千條絲更長鰲魚一尺味如昨舉

頭忽見磨笄山土石礮瘠苔蘚斑聞有好女曾居此與
翁名字留人間吁嗟乎焦公與戴女高趣竝難攀吾徒
未免事干謁八口累人何日閒惟有偷閒且痛飲劉伶
王績亦高品雄談不顧四坐驚人誰似何與程

王西樵曰筆跳盪而斬截○陳其年曰氣體雄健
一往淋漓簡于東川放于嘉州固知此老不可及

贈周建西

京口周生家四壁門前只有陳平蓆獨把一經勤授徒
那能斗酒輕留客江上櫻桃花亂開與我相逢如夙昔
念我病渴需蘿呷知我性癖耽書籍邀過茶肆每清談
許借牙籤復不惜山谷先生詩最奇味如蟹黃及熊白
往年訪舊入金陵走徧坊間購難得今朝乍見老眼明

却笑時賢吟腸窄且當共賞學陶公一鷗安足酬厚德
君才敏捷况妙年此道還須富拮據請看獵山漁海人
蝦蟇鶉鴛口皆適鼠鬚多買諸葛家麝煤廣收廷珪宅
古來讀書貴抄寫近世殺青復何益老夫只今鬢已皤
但悔光陰成浪擲不得軒窗伴燈火日向州郡謁侯伯
勸君不覺言詞繁對君惟有顏面赤

王西樵曰活現浣花老子其拓人心胷及下針砭處
讀者宜細玩之如今朝乍見老眼明却笑時賢吟腸
窄及此道還須富拮據古
來讀書貴抄寫等句是也

程崑崙招飲城南園林同僉山長益許士雍南干

野桃已盡戴公山老竹難尋劉氏宅滿路兒童說使君

新借潘園宴詞客雲如孽絮雨初晴經過酒樓多笑聲
西郭至今猶列堠南郊不絕聞搗箏

王西樵曰景語亦絕不同時手

何

以得此兵戈後將軍最與使君厚健兒不敢打人門况
敢摧殘橋上柳未入園扉心已開野原浩蕩春光催麥
苗刺眼禽聒耳前有鴻鶴山崔嵬未必習池如此處山
翁不可輕歸去吟詩雖是淡生活欲使千秋作憑據魚
鱉膾魚何太精足知饕子費經營已貪酒似徐元用况
逢厨類王方平客半飄零我白髮聚散人生多恍惚來
朝更携李暮輩同泛大江看明月

憶兒行贈韓叔夜

西子湖中荷正香與君相遇色淒涼月華山畔牡丹開

君復對之意徘徊徘徊胡爲爾頭毛白如此爲言罷官
亦尋嘗所恨未卽歸田里朝見雉將雛飛飛得自如奈
何爲父常客居暮聞燕尋窩黃口語偏多苦憶吾兒復
奈何別時兒猶在襁負今聞能上棗園樹舊栽松菊尚
關情何況骨肉缺歡聚君不見漑堂平生未作官只今
常歌行路難妾病臥床無藥餌兒飢對客索盤餐咫尺
江都但引領怯聞家信增愁嘆出處亂餘無一可奔走
豈關吾計左江山佳處且扶筇若待重遊恐不果良朋
盛會無幾日相尋那許更懶嬌生子賢愚命所爲莫言
歸去傳經遲

王西樵日卽陶公所
云天運苟如此也

贈周翁鏡夫

我因多怒傷左眼

王西樵
日起老

自恨平生學道晚未空聞見

效禪僧何異膏肓負倉扁先生老矣何所嘆無數門前

種杏人有子况爲名下士小時便認石麒麟造物要試

神醫手運針名重運斤後不妨賣藥老韓康化爲窮瞎

張文昌世事難料皆如此重見青天殊可喜聽仍用耳

視用目從今免詫亢倉子轉增疑惑問郎君奇方妙技

頗紛紛丘明雙瞽竟難療杜陵半耳終無聞我聞天道

有酬酢莫但歸功王彥若先生手活千萬人何患眼多

一重膜慙愧吾徒雕腎肝安知素問與金丹只應且洗

龍井水免使將朱當碧看

題睦孝廉傳後

孝廉諱明永字嵩年華亭
教諭丹陽賀裳爲立傳

鄭虔不死芸香閣反覆歸朝名已惡王維淚灑凝碧池
微官得罪亦何辭孰似丹陽眊明永衣冠不敢辱周孔
惜哉奇計滿腹中未得蚤獻明光宮老作廣文遭禍亂
烽火光中弟子散事後誰爲慟哭人惟有溪山老逸民

王西樵曰
意足筆老

道院乳燕

雷雨欲作蟲亂飛乳燕喃喃苦訴飢燕巢幸不寄吳宮
持竿相向愁兒童翅軟力微母所憐口似罵童身近前
啣虫只遶屋簷邊偶然遠去急來旋辛勤不止哺其口
出入顧復無不有見此使我嗟嘆久爲人奈何忘父母
江湖漂泊髮垂素蚤歸多種墳前樹黃冠若能聽我言

悔不家中報母恩

道院看牡丹

百花狼籍隨東風牡丹開落獨不同也如糠粃常在前
乍看富貴羞貧窮玉環合侍蓬萊殿婕妤須住昭陽宮
誰將姚魏當時種荒涼移植道院中道士豈應被花惱
有田且去熟梨棗空山樓觀客來稀却愛詩人伴潦倒
我今止飲但啜茶對花始覺容顏槁妙術若能致麴生
何妨醉面仰晴昊明朝風雨打松軒更仗奇香爲返魂
不見鶴林殷七七杜鵑頃刻照金樽

次贈周建西韻賀令姪子常生第三子皆子常見
借歐陽全集

兒啼忽出隣人壁

王西樵日
起如爆竹一
聲

吉夢夜來傳枕席久識

徐卿第二雛初作陳家湯餅客
溫嶠姓名敢相比叔夜
交遊本平昔幾番欲作洗兒詩
還向樓頭借書籍欲識
掌珠可愛玩應與卷軸竝
珍惜溪山猛虎夜生兒歐陽
句好如太白我才褊淺無佳思
直寫歐詩計頗得願君
名比梅聖俞不願家如梅
窘窄願君三子名位齊讀書
莫只恃陰德鳳凰羞與鷄爲羣
青紫視同芥易據老夫
他日見懷祖肯學羲之情不
適扁舟來往三山下便向
路人問大宅江都咫尺是吾
家有兒亦可迎三益作歌
若記姓孫人貧交那忍輕棄
擲平生頗笑王孺仲不及
杜甫老詩伯膝下男兒恥見
人長令面似初荷赤

王西樵日前輩
風流大家手筆

雨中鳩

日出東南隅，班鳩呼其妻。抱雛桑樹裏，求食麥田畦。一朝風雨至，但聞婦怒啼。汝聲何聒聒，汝心徒淒淒。得配有如此生子，各東西。萬物遭遇苦難齊，不如嫁鷄常逐鷄。對此誰能不厭惡，况我飄零還道路。正憶閨中結髮人，面無膏沐身裙布。勤責嬌兒早自立，溪憐小婦恥相妬。別時執手問歸期，窻前雨打芭蕉樹。何年偕老故山中，我學種瓜爾織屨。

張稗恭曰：以本題爲比興，却引出本意，則賦也。無古無今，亦風亦雅，空同所謂真詩者，其此乎。

登妙高堂